



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 56. Vicariatus Thessalonicensis.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.
A. C. 444.
Epist. 6. Ordinis Clericos, olim Pelagianæ Hæresis veneno afflatos, & neminem ab ipsis petiisse, ut suum prius errorem damnarent; imo tolerari etiam usum, quo ad suas functiones exercendas ex loco in locum transibant, contra præcepta Canonum, ut Clerici in illis Ecclesiis, ubi ordinati fuissent, perpetuo manerent.

S. Leo, accepto hoc indicio, ad Episcopum Aquilejensem, Provincia Metropolitam, Epistolam dedit, jubens, ut Synodum suam convocaret, & omnes hos Clericos, de errore Pelagianorum suspectos, aperte, & dato chirographo, hanc Hæresin damnare, & omnia Decreta Conciliorum, a Sancta Sede confirmata, verbis ita clavis approbare, & recipere cogeret, ut omnis ista eludendi rima obstrueretur. Papa etiam observationem Canonum de Stabilitate Clericorum inculcat, pœnam Depositionis, & excommunicationis in transgressores comminatus, quod plerumque, si ambitio, & avaritia tollatur, nulla ab una Ecclesia ad aliam transeundi causa supersit.

§. LVI.

Vicariatus Thessalonicensis.

Epist. 4. Anastasius, Episcopus Thessalonicensis, ad S. Leonem misit, qui Vicariam ipsius Auctoritatem in Illyrico, sicut sui Antea-

Antecessores habuerant, suo nomine pe-
 terent; hanc S. Leo lubenti animo con-
 cessit, data Epistola pridie Idus Jan.
 Theodosio decimo octavo, & Albino
 Consulibus, id est, 12. Jan. anno 444. In
 ea S. Leo dicit; se hac in re simpliciter
 sequi exemplum S. Siricii, eandem po-
 testatem Anisio dantis, nullum alium in
 finem, quam ut Canones observentur.
 Admonet præcipue, ut Episcopi Cano-
 nice eligantur. Ad nihil attendendum,
 quam ad viri, ad Episcopatus apicem
 provehendi, dotes, & quantum priori
 ministerio de Ecclesia meritus sit, nihil
 favori, nihil proprio commodo tribuen-
 dum. *Nemo, inquit: in his Ecclesiis,
 te non consulto, ordinetur; nullum enim
 nisi præcedente maturo iudicio eligent,
 si sciverint, necessarium esse, ut rigidis-
 simum tuum examen subeant. Nos vero
 nullum agnoscemus Episcopum, quem Me-
 tropolita, te inscio, ordinaverit. Quia
 Metropolitæ jus competit, suarum Pro-
 vinciarum Episcopos ordinandi, volumus,
 ut tu Metropolitæ ordines, eosque mayo-
 ri cura seligas, quia tibi cæteros regere
 incumbit. Nemo, si vocatus fuerit, a Sy-
 nodo absit. Rei Christianæ nihil utilius,
 quam frequentissimi Episcoporum conven-
 tus, sunt enim emendandis erroribus, &
 fovendæ Charitati maxime idonei. Quod
 attinet ad causas majores, antiquæ tra-*

Sæculum V.
 A. C. 444.

c. 5.

A a 4 ditioni

Sæculum V. *ditioni insistes, & ad nos devolves, ut*
A. C. 444. *nempe, quæ in ipsis locis expediri, & de*

c. 6. *finiri non poterunt; appellationes quæ*
 S. Pontifex, quod contra Canonum te-
 norem omnibus diebus indiscriminatim
 Presbyteri, & Diaconi ordinarentur, &
 jubet, ut in futurum non nisi Die Do-
 minica, sicut Episcopi, ordinentur; id
 intelligendum de Nocte Diem Domini-
 cam præcedente. S. Leo eadem die
 ad Illyrici Metropolitam Epistolam dedit,
 qua certiores reddit de Potestate, An-
 stasio Thessalonicensi collata, hortatur
 que, ut se subjiciant, & Canones ob-
 servant.

Prosp. Chro. Hoc anno 444. cum Dies Paschalis
integ. an. 444 in vigesimam tertiam Aprilis incidisset,
 Parasceve Domini vigesima prima age-
 batur; Eadem die urbis Romæ funda-
 tio celebrari solebat ludis Circensibus;
 at vero hoc anno Sacræ Passionis
 Reverentiæ datum, ut
 omitterentur.

